

## Markni Sea Nama Kata- 1

1 Isolni Depante Jisu Kristoni nama katani abachenga.

2 Maikai Isaia katchinikgipani katao sea gnan,

Nibo, anga antang sagreko nangna watata, Ua nangna ramako tarisogen; 3 Bakrao aganprakgipa saksani kurang, Gitelni ramako daksobo, Uni reaniko dimbrengetbo;

4 bakrao baptize ka-atgipa aro paprangko watanina gisik pil-anini baptize ka-ako aganprakgipa Johan rebaaha. 5 Unon Judea asong gimik, aro Jerusalemoni pilakan uona reangtokaha; aro antangtang paprangko kurachake uamang uni jakchi Jordan chibimao baptize ka-atako manaha. 6 Aro Johan utni kimilni barako aro bigilni kangkare kaaniko gana chinachim, aro ua gukrangko aro burungni bija bitchiko cha-achim. 7 Aro ua aganprake inaha, Angna bilakbatgipa saksa angni jamanchi rebaenga: jeni jakopni buduko anga bamgope engna nitopaja. 8 Anga nasimangko chio baptize ka-ataha, indiba ua nasimangko Gisik Rongtalgipao

9 Uororo indake ongaha, Jisu Galilini Nazarethoni rebae Johanni jakchi Jordano baptize ka-atako manaha. 10 Aro chioni bakan gakatmitingo salgini grinako, aro antang kosakona paroa gita Gisikni ongonbaako ua nikaha. 11 Aro salgioni kurang onkatabaaha: Na-an angni kasara Depante, nango anga namnikbea.

12 Aro bakan Gisik uko bakraona reangataha. 13 Aro ua Satanni



14 Aro Johanko jako on-manoa, Jisu Galiliona rebae Isolni nama katako aganprake inaha, 15 Sal chusokaha, aro Isolni songnok sepangaha; nasimang gisik pil-bo, aro nama katako beberabo.

16 Aro ua Galili sagalni rikamko remitingo, ua Simonko aro Simonni jonggipa Andrewko sagalo chek galengako nikaha; maina uamang natok rim-giparang ongachim. 17 Aro Jisu uamangna aganaha, Imbo, ang jaman jaman, anga nasimangko mande rim-gipa onгна dakatgen. 18 Unon uamang bakan chekrangko wate un baksa reangpaaha. 19 Aro ontisa reange ua Zebedeeni depante Jakobko, aro uni jonggipa Johanko nikaha; uamangba ringo chekrangko tariengachim. 20 Aro ua bakan uamangko okamaha; unon uamang antangmangni pagipa Zebedeeko ringo gamnapgiparang baksa wate un jaman reangaha.

21 Aro uamang Kapernaumo napa; aro ua bakan nengtakani salo gilja nook nape skiaha. 22 Aro uamang uni skiana aiao inmanaha; maina ua Sastro skigiparang gita skigija, bil gnanggipa gita uamangna skiaha. 23 Aro rangsan uamangni gilja noko marang gnang gisik gnanggipa mande saksa gnangchim; 24 aro ua gam-bee aganaha, O Nazarethoni Jisu, nang baksa chingni mai nangpara? Na-a chingko nisina rebaahama? Na-a sawa, uko anga uia, Isoloni Rongtalgipaan. 25 Unon Jisu uko indate aganaha, Jrip dongbo, aro uoni onkatabo. 26 Unon ua marang gnang gisik uko saksele, aro namen chrikbee uoni onkataba. 27 Unon pilakan dildil onge singgrike aganaha, Iara mai? Skiani gitalke! Ua bilchin marang gnang gisikrangkoba geeta, aro uamang uko mania. 28 Unon uko mingsingani bakan samtangtangchi Galilini pilak jolona gipangaha.